



03. April 2019

UPA 2019/88-111

Atassut

Aqqaluk Heilmann

Nunami maani angerlarsimaffeqanngitsut pillugit ajornartorsiuteqarnermut aaqqiissutissanut eqqarsartussamik suleqatigiisitamik suligasuartussamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suleqatigiissitaq politikerinut aaqqiissutissanik tigussaasunik siunnersuuteqassaaq innersuussuteqarlunilu aamma kingusinnerpaamik ulloq 31. august 2019 saqqummiussissaaq suliniutissat akilersornissaannut aaqqiissutissanullu.

(Inatsisartunut ilaasortaq Tillie Martinussen, Suleqatigiissitsisut)

Angerlarsimaffeqannginnerup akiorneqarnissaa pillugu iliuusissatut pilersaarummik kigusinnerpaamik UPA2020-mi Naalakkersuisut saqqummiussinissamik peqquneqarnissaat pillugu Inatsisartunut aalajangiiffigisassatut siunnersuut.

(Inatsisartunut ilaasortaq Mimi Karlsen, Inuit Ataqatigiit)

Atassummiit qujavugut siunnersuuteqartunut, nalunnngilarput inuk aatsaat arlaannik peqquteqarluni imminut isumagisinnaanermigut sanngiilliffeqarsinnaasartuq, taamatulli pisortanit ikiorneqarsinnaaneq pinngitsoorsinnaajunnaarneqartarluni ilaatigut.

Taamaakkaluortoq Atassummiit isumaqanngilagut sunaluunniit pissutigalugu inuit angerlarsimaffeerussimappata taakkua ataatsimoortussanngorlugit ineqarfiliunnerinnaatigut ajornartorsiut qaangerneqarsinnaassasoq.

Inuit ulluinnarni imminut napatissinnaanissaannut periarfissiinerit assigiinngitsut pioreerput kiisalu innuttaasunik isumaginninnikkut Kommunep ataani aamma periarfissaareerlutik inunnik ikiorsiisarnermi, taakkua periarfissat atorluartariaqarput inullu ingerlaqqinnissaanut ikiorlugu pisariaqartitaatigut, tassa imaappoq, angerlarsimaffeqanngitsoq inissaanik immikkut iliuuseqarnikkut ikiorneqarsimaguni aamma inuttut ingerlariaqqinnermini imminut ikiornissaanut ikorfartueqataasariaqarpugut inatsisitigut sinaakkutilimmik.

INI A/S anisitsiniaannarluni pineq ajorpoq arlaannik attartortuusumit unioqqutitsinerit aqqusaarneqarsimatillugit kiisalu akiligassanik kinguaattoornerit aamma siullertut periarfissiinerit atorneqartarlutik.

Taamaakkaluortoq sinerissami inuit angerlarsimaffeqanngitsut ima amerlatigilersimassappata immikkut iliuuseqartariaqalerluta allaat ikiortariaqassallugit annertusisamik iliuuseqarnikkut, taava kommune-t peqatigalugit sulisoqartariaqarpoq iliuuseqartoqarluni.

Siullertut misissortikkusunnassaaq qanoq iliornikkut inissaannik tuniinnarnagit aamma inuttut imminut ikiorsinnaalernissaannik ingerlariaqqinnissaannillu aqqustissieqataasariaqassagatta



tassunga tikkuussutaasinnaasumik inatsimilluunniit sinaakktissamik
nassataqartitsisoqartariaqarsorinarpoq suliassaq.

Siunnersuut suliassaq peqqissaarullugu eqqartugassaavoq annertummat aamma inuup nammineq
akisussaaffeqarnerata iluaniimmat, Atassummiit siunnersuut ataatsimiititaliamut
ingerlatinneqarnissaa innersuussutigivarput.